

## DBHO ARAUTEGIA:

### EBALUAZIOA:

#### Batxilergoko azterketen araudi orokorra:

- Maiatzaren 30eko **76/2023** Dekretuak, zeinaren bidez Batxilergoko curriculumak zehaztu eta Euskal Autonomia Erkidegoan ezartzen baita, **28.2 artikuluan** xedatzen duenez, ikasleen **ebaluazioak globala, jarraitua, hezigarria eta ikasgaien arabera bereizia** izan behar du, eta kasuankasuko **konpetentzia espezifikoak ebaluatzeko irizpideen arabera** egin behar da.
- Hezkuntza-etapa honetan irakasleek ikasleen ikaskuntza-prozesua ebaluatzerakoan kontuan hartuko dituzte curriculumeko elementuak, ikasgaien multzoan ikasle bakoitzak egindako ikaskuntza-prozesuaren bilakaera, ikaslearen heldutasuna eta ikasturtean zehar izandako errendimendu akademikoa, Batxilergoko helburuei eta irteera-profilari dagokienez; eta, bigarren mailan, goi-mailako ikasketetan aurrera egiteko dituen aukerak.
- Ikasleei **ebaluazio-prozesu etengabea** egiteko, ikasleek **etenik gabe joan beharko dute eskoletara**, eta ikasgai edo esparruetarako programatutako jarduerak egin beharko dituzte. **Justifikatu gabeko hutsegiteak ikasgai bakoitzean % 20tik gorakoak edo denera 8 ordu** izanez gero, ikasleak **etengabeko ebaluaziorako eskubidea galduko** du, **baina ez ditu galduko ohiko deialdia eta ezohiko deialdia**, matrikulatutako ikasle guztiak kalifikatzeko egiten direnak.
- Ikasturtean zehar, **ebaluazio bakoitzaren amaieran** bost eguneko **azterketa astea** egingo da. Egun hauetan, klaseak eten eta egun bakoitzeko bi azterketa gehienez egingo dira. Azterketen **antolaketa irakasleek** egingo dute.
- Ikasgai bakoitzean, **irakasleak erabakiko** du ebaluazioan zehar egin daitezkeen **azterketa partzialei, lanei** edota bestelako **jarduerei** nolako **tratamendua** emango zaien. Hauen helburua ikasleen ebaluazio prozesua arintzea eta errendimendu akademikoa hobetzea izango da.
  - Azterketa astea baina **2 aste lehenago ez dira azterketa partzialak** egingo.



- Edozein **azterketa** edo ebaluazioan zehar egiten diren **aurkezpenak** edo **jarduerak egiteko eskubidea izateko kontuan hartu** beharrekoak:
  - **Azterketa egunean** ikaslea **gaixorik** badago, **medikuaren justifikantea** ekarri beharko du eta azterketa egiteko **aukera mantenduko** da. Azterketa hau **errekuperazio astean** egingo du, lehenengo aukera bezala. Gaindituko ez balu, dagokion irakaslearekin adostuko du errekeraketa data.
  - **Azterketa egunean** eta **justifikatu gabe** saio batera edo batzuetara etorriko ez balitz, azterketa egiteko **eskubidea galduko** du. Ondorioz, errekeraketa egin beharko du azken aukera bezala.
- Ikasle batek azterketa bat eskatu nahi badu, gurasoek **idatziz eskaria** egin beharko dute eta azterketaren fotokopia bat emango zaio ikasleari bilera beharrik gabe.
- Azterketa egiteko momentuan, **mugikorrek eta erloju digitalak ezingo dira gainean eraman**. Ahal den kasuetan, gelatik kanpo egongo dira.
- Aurrez aipatutako ebaluazio-irizpide eta erabaki guztiak Batxilergoko irakasle eta zuzendaritzaren artean kontrastatu eta adostu dira.

### Ondorengo irizpideen arabera jokatu dugu **NOTA ALTXAKETA** egiteko:

- Nota altxaketa ebaluazioan edo ohikoetan egingo da, **bietatik bat** aukeratu beharko dute. Kurtso amaieran ezingo da berriro 1. eta 2. ebaluazioko nota altxaketarik egin, soilik 3. ebaluaziokoa egingo da, baldin eta aurrez egin ez bada.
- Nota altxaketa **azterketa oso batena** izango da, ez zati batena.
- Nota altxaketa egiteko **konpromezua** hartzen duenak, **azterketa egin behar** du. Ondoren, ikasleak erabaki dezake zuzendu edo ez.
  - Ikasleak “ez zuzendu” adierazten badu, Alexian lehenengo azterketaren nota jarriko da errekeraketa gisa, nota altxaketa egin duela adierazteko.
- Gaiaren arabera, nota altxaketak errekeraketa ariketa berdina **eta gehigarri bat** izan dezake.
- Nota altxaketak **azterketak** izango dira, ez lanak.
- **Gehienez** ikasle batek **3 nota altxaketa** egin ahal izango ditu ebaluazio bakoitzean.
- **3 suspentso edo gehiago** baditu, **ezin da** nota altxaketarik egin.
  - 2 suspentso baditu, nota altxaketa 1 egin dezake.
  - Suspentso 1 badu, 2 nota altxaketa egin ditzake.

### Ondorengo irizpideen arabera kalkulatuko dugu NOTA FINALA:

- Ebaluazioaren emaitzak zerotik hamarrera bitarteko zenbakien bidez kalifikatuko dira, hamartarrik gabe, eta bostetik beherako kalifikazioak negatiboak izango dira. Ezohiko probarako deialdian, ikaslea ez baldin bada probara aurkeztzen, adieraziko da ez dela aurkeztu (EA), eta hori kalifikazio negatibotzat hartuko da ondorio guztietarako.
- Ebaluazio negatiboa duten ikasleak gainditu gabeko ikasgaien ezohiko deialdian aurkeztu ahal izango dira. Ikastetxeek deialdi hori antolatuko dute ikasturtea amaitu baino lehen.
- Batez besteko nota kalkulatzeko, hezkuntzaren arloko eskumena duen sailak ezarritako aplikazio informatikoa erabiliko da. Hau izango da batez besteko nota: 1. eta 2. mailetan ikasi diren eta Batxilergoko titulua lortzeko behar diren ikasgaietako kalifikazioen batezbesteko aritmetikoa, ehundar hurbilenera biribilduta, edo, distantziakidetasuna izanez gero, goiko ehundarrera biribilduta.
- Nota altxaketa, errekupeketa, ohiko eta ez-ohiko azterketetan, **lehenengo azterketako** notak **%20**ko pisua izango du eta **bigarren azterketarenak %80**.
- **Batez bestekoa** kalkulatzeko:
  - **Azterketan 5** bat atera behar da.
  - **Errekuperaketan nota minimoa 4** bat izango da.
- **Zatiren bat gainditu gabe** baldin badu, eta errekupeatzea eskatu behar badiogu, **buletinean nota GUTXI (4)** izango da.

### PUNTUALTASUNA:

- Guztioi dagokigun ardura izanik, **klase sarreretan eta irteeretan puntualtasuna ezinbestekoa** da funtzionamendua egokia izan dadin.
- Puntualtasunik ez dagoenean, irakasleak ALEXIAN jasoko du, tutoreak jakin dezan.
- **Justifikatu gabeko puntualtasun eza** hiru hileko batean **hiru aldiz** gertatuz gero **jokabide desegokia (arina)** da eta, eguneko **atseden orduan** egin beharreko **hausnarketaz** gain, dagokion tutoreak zein lan egin behar duen adieraziko dio.
- Aipatutako **neurria ez betetzeak jokabidea bizikidetzaren aurkako** bihurtuko du (**larria**) eta horrelakoei dagozkien prozedura eta neurriak aplikatuko dira.

## **ASISTENTZIA:**

- Irakasleek **egunero asistentzia kontrolatuko** dute haien saioetan, jarraipena Alexia bidez eginez.
- Klaseetara **asistentzia nahitaezkoa** da. Klase orduak, ikasleentzat direnez, egunero-egunero etenik gabe jarraitzea ezinbestekoa da. Klaseetara **huts egitea kasu guztietan justifikatu** behar da.
- Ikasleek **etortzerik ez dutenean, familiak tutoreari jakinaraziko dio**. Aldez aurretik jakinaraztea ezinezkoa denean, **egun berean**, telefonoz edo emailaz abisua pasatuko diote tutoreari (hurrengo egunetan ez da onartuko).
- **Justifikatu gabeko** kasuetan tutoreak **gurasoei deituko** die, **egunean bertan**, eta arrazoiak zein izan den jakiteaz gain, horrelako kasuetan jarraitu beharreko prozedura zein den ere adieraziko zaie.
- Ikasleak huts egitearen **justifikazioa ekarrita ere**, zenbait kasutan, ikasleak ekarri duen justifikazioa **egiaztatze**ko tutoreak gurasoei **deitu** ahal izango die.
- **Justifikatu gabeko asistentzia eza** jokabide desegokia (**arina**) da eta egin beharreko hausnarketaz gain, egokiena ikusten den garaian edota atsedean orduetan, denera **2 ordu** bete arte, gela batean geldituko da **Ikastolan**. Galdutako klaseengatik zein lan egin behar duen tutoreak adieraziko dio.
- Ebaluazio bakoitzean **irakasgai bateko ordu kopuruko %20a**, edo **denera 8 ordu** justifikatu gabe izanez gero, irakasgai horren **ebaluaketa egiteko aukera galduko du** ikasleak eta **azterketa finaletan egin** beharko du.

## IKTen erabilera:

- **Ikastola barruan** ikasleek **ezin dituzte sakeleko telefonoak, audioak edo antzerako aparailuak erabili**. Tresna hauen beharra sortuko balitz, irakasleak esango lieke aldez aurretik; beraz, garbi geratu dadila irakasleak momentu bakoitzean erabakiko duela beharrezkoa den ala ez (eta beti irakasleak baimendu duen helburu eta erabilerarekin).
- **Erabiltzen** ikusiz gero, **jokabide desegokia (arina)** izango da eta **telefonoa** edo dena delako aparailua **irakasleak jasoko du 24 ordu igaro arte** edo **gurasoak bila etorri arte**.
- Ikastolako edozein eremutan ere, aparailu hauek, helburu akademikorako erabiltzen dituzten ordenagailuak barne, **ezin dira erabili baimenik gabeko argazkia ateratzeko edo bideoa grabatzeko**. Jokabide hauek bizikidetzaren aurkakoak dira gutxienik, eta kasu horietan dekretuak dioena aplikatuko da. Gogoratu behar dugu ikastola eremu pribatua dela eta ezin dela baimenik gabeko inolako grabaketarik egin aparailu hauekin eta are gutxiago sarean jarri.
- Irteeren helburua pedagogikoa da, eta aldez aurretik denontzako programaturik daudenez, ikasleek telefonoak, audioak edo antzerakoak autobusean eta beraien tarte libreetan soilik erabili ahal izango dituzte (erabilpenak beti egokia izan behar du eta irakaslearen baimena beharko da).
- **Atsedean garaian** telefonoa erabiltzeko, **ikastolatik kanpo** egingo da. Ez da **inoiz ikastola barruan** telefonoa erabiliko, naiz eta atsedean gaiara izan.
- **Ordenagailuaren** erabilera erabat **akademikoa** da, beraz, ikastolako orduetan ezingo da baimenduta ez dauden web orrietan ibili. Egitekotan, jokabide desegokia (arina) izango da eta irakasle taldeak erabakiko du zer egin.
- Oro har, **edozein tresnaren erabilera gauzatzeko irakaslearen baimena beharko da**. Horrelako tresnaren bat **ekartzen duenak bere ardurapean** egingo du.



### Bestelako jokabideak:

- **Komunen erabilera:** ikasleak beti **irakaslearen baimena** beharko du komunera joateko. **Klase garaian** egingo da erabilpena, baimena eskatuz, eta **inoiz ez klaseen aldaketak** egiten direnean.
- Ikastolako instalazioak, baliabideak eta materialak, edo eskola elkarteko gainerako kideenak diren jabego eta baliabideak, guztion ardurapean daude (gelak, apalak, mahaia, aulkiak, ateetako sarrailak, komunak, iturriak, liburuak, baliabide teknologikoak, e.a.). Erabileraren poderioz konpondu beharreko hausturak (nahi gabe egindakoak) ikastolak bere gain hartuko ditu. Nahita edo erabilera desegokiaren ondorioz eragindako kalteak, aldiz, jokabide desegokitzat hartuko dira, dagokion trataera emanez.